

本草從新卷十六目錄

禽獸部 原禽類十一種

燕窩 石燕 夜明砂 五靈脂 雀 雀卵

白丁香 鴿 雞 烏骨雞 雉

水禽類七種

白鷄血 鵝鵝油 鵝 鶩 鳧 鷓鴣

鷺鷥

林禽類二種

斑鳩 鵲

畜類九種

豬 狗 羊 牛 牛黃 黃明膠

阿膠 驢溺 白馬溺

獸類十五種

虎骨 象皮 犀角 熊膽 羚羊角 鹿茸

鹿角 麋茸 麋角 麝香 貓胞 豬獾

狗獾 兔屎 獺肝 胆肭臍

鼠類二種

獬鼠矢 狷皮

本草從新卷十六

禽獸部

原禽類

水禽類

林禽類

畜類

獸類

昆類

燕窩

大養肺陰潤化痰

甘淡平大養肺陰化痰止嗽補而能清爲調理虛損癆瘵之聖藥一切病之由於肺虛不能清肅下行者用此皆可治之

開胃氣已勞痢益小兒痘疹

王世懋閩部疏云燕窩菜竟不辨是何物濱海邊已有之燕飛

渡海中翮力倦則擲置海而浮之若杯身坐其中久之復啣以飛陳懋仁泉南雜記云閩之遠海近番處有燕名金絲者首尾似燕而甚小毛如金絲臨卵育子時羣飛近沙汐泥有石處啄蠶螺食之有詢海商聞之土番云蠶螺背上肉有兩肋如楓蠶絲堅潔而白食之可補虛損已勞痢故此燕食之肉化而肋不化并津液嘔出結爲小窩附石上久之與小雛鼓翼而飛海人依時拾之故曰燕窩而予近聞之漳人殊爲不然燕窩國大海中有高山冬月羣燕來巢其上燕矢之厚

沒人兩膝春取小魚壘之窩中人取之林中窩投子墜傾覆
關于燕之雌雄羣然悲鳴傷物特甚鳴呼誰爲羣燕毀房哉
生命之苦過火燭刀割矣蘇長公謂雖八珍之美投箸而不
忍食此物此志耶周櫟園閩小記云余在漳南詢之海上人
皆云燕啣小魚黏之於石久而成窩有烏白紅三色烏色品
最下紅色最難得能益小兒痘疹白色能愈痰疾廣東新語
云崖州海中石島有玳瑁山其洞穴皆燕所巢燕大者如烏
啖魚輒吐涎沫以備冬月退毛之食土人皮衣皮帽秉炬探
之燕驚撲人年老力弱或致墜崖而死故有多獲者有空手
而還者或謂海濱石上有海粉積結如苔燕啄食之吐出爲
窩壘壘巖壁之間島人俟其秋去以修竿接鏟取之海粉性
寒而爲燕所吞吐則暖海粉味鹹而爲燕所吞吐則甘其形
質盡化故可以消痰開胃云凡有烏白二色紅者難得蓋燕
屬火紅者尤其津液一名燕蔬香有龍涎菜有燕窩是皆補
草木之不足者故曰蔬榆肉
產於北燕窩產於南皆蔬也

糙米者最佳 燕窩腳色紅紫名血燕功用相倣性重能達下微鹹

能潤下治噎膈甚效 假燕窩無邊無毛或微有邊毛皆僞爲之色白

甚有白如

銀絲者

石燕補陽益精

甘溫壯陽益氣暖腰膝添精髓潤皮膚縮小便禦風寒嵐瘴

溫疫氣

孟詵曰治法取石燕二十七枚和五味炒熟以酒一斗浸三日每夜臥時飲一二盞甚能補益令人健力能

食

一名土燕似蝙蝠口方食石乳汁

廣志云燕有三種此則上燕乳于巖穴者

孟詵曰石燕在乳穴石洞中者冬月采之堪食餘月止可治病

夜明砂

一名天鼠矢○瀉散血明目

辛寒肝經血分藥活血消積治目盲障翳

加石決明猪肝煎名決明夜靈散治

雞盲

瘡魅音奇小兒鬼

驚疳

蝙蝠及矢竝治驚疳瘡癰厥陰之病

乾血氣痛

經疏云辛能散

內外結氣寒能除血熱氣壅明目之外餘皆可略吳鶴臯醫方考曰古人每用蟲蟲水蛭治血積以其善吮血爾若天鼠

矢乃食蚊而化者也當亦可以攻血積木
方稱其下死胎則其能攻血塊也何疑
同鼈甲燒烇辟蚊

蝙蝠矢也食蚊砂皆蚊眼故治目疾淘淨焙惡白微白礬

小兒魃病以紅紗
袋盛夜明砂佩之

五靈脂 瀉行血宣止痛

甘溫純陰氣味俱厚入肝經血分通利血脈散血和血血閉

能通生用經多能止炒用治血痺血積血眼血痢腸風崩中諸血

病圖經云血暈者半炒半生未服一錢心腹氣血一切諸痛除風殺蟲諸痛屬於木諸

蟲生於風化痰消積療驚疳瘡疔蛇蝎蜈蚣傷五靈脂一兩雄黃五錢酒調服滓敷

患處治毒 血虛無瘀者忌用李仲南永類鈴方曰五靈脂治崩中非正治之藥乃去風

之劑衝任經虛被風襲傷管血以致崩中暴下與荊芥防風
治崩義同方悟古人識見深遠如此時珍曰此亦一說但朱

及肝血虛滯亦自生風之意按衝為血海任主胞胎任
脈通衝脈盛則月事以時下無崩漏之患且易有子 北

地鳥名寒號蟲矢也即鷓鴣鳥夜鳴求旦夏月毛采五色鳴

得過且過高士奇曰月令仲冬之月鷓鴣不鳴似與寒號之名未協色黑氣甚燥惡澀心潤澤

者真研末酒飛去砂石用行血宜生止血宜炒惡人參潤調五靈

脂未塗
風癩良

雀
補陽益精

甘溫壯陽氣藏器曰冬月食之益精髓暖腰膝縮小便治血

崩帶下宗爽曰正月以前十月以後宜食之取其陰陽定靜

蛇牀子熬膏和藥丸服補下有效謂之驛馬丸此法起于唐

世云明皇服之有驗總錄治虛寒雀附丸用肥雀肉三四十
枚同附子熬膏丸
藥亦祖此意也
不可同李及諸肝食妊婦食之令子多

淫凡陰虛火盛者勿食服白朮人忌之 俗呼老而斑者爲

麻雀小而黃口爲黃雀

八九月羣飛田間體絕肥背有脂如披綿性味皆同可以炙食作餅甚美

今人以之頓雞

頭血治雀盲

人黃昏時無所見如雀目夜盲日口取頭血點之

蛋肥而可口

雀卵

補陽益精

酸溫益精血治男子陰痿不起女子帶下便溺不利除疝瘡

陶宏景曰雀利陰陽故卵亦然和天雄服之令莖不衰素問云胸脇肢滿者妨于食病至則先聞腥臊臭出清液先唾血四肢清目眩時時前後血病名血枯得之年少時有所大脫血若醉入房中氣竭肝傷故月事衰少不來治之以四烏鱧骨一蘆薈二物并合之丸以雀卵大如小豆以五丸爲後飯飲以鮑魚汁利腸中及傷肝也飯後藥先爲後飯本草三藥並不治血枯而經法用之是攻其所生所起爾時珍曰今人知雀卵能益男子陽虛不知能治女子血枯蓋雀卵益精血爾

白丁香 消積

苦溫微毒治疝瘕積脹痞癖及目翳胥肉癰疽瘡癤咽噤齒

齧時珍曰雀食諸穀皆易消化故所治諸證皆取其能消爛之義也

陰人使雄陽人使雌

臘月采得去兩畔附著者鉢中研細以甘草水浸一宿去水

焙乾用

日華曰凡鳥左翼掩右者是雄其屎頭尖挺直雷斅曰凡使勿用雀兒糞雀兒黃口未經淫者也其雀屎

底坐尖在上是雄兩頭圓者是雌時珍曰別錄止用雄雀屎雌雄分用則出自雷氏也

鴿一名鶉鴿○解毒

鹹平解諸藥毒及人馬久患疥治惡瘡風癬白癰癰瘍風

唯白色者入藥

凡鳥皆雄乘雌鴿獨雌乘雄故其性最淫

卵解瘡毒痘毒 尿

名左盤龍

時珍曰野鴿者尤良其屎皆左盤故劉河間宜明方云然

消腹中痞塊癰瘕諸

瘡療破傷風及陰毒垂死者人馬疥瘡炒研敷之驢馬和草

飼之消腫殺蟲頭瘡白禿鴿粉研末傳之先以醋泔洗淨

雞補虛溫中

甘溫屬巽屬木故動補虛溫中日華曰黑雌雞補產後虛勞馬益卿曰妊婦宜食牡雞取

陽精之全於天也崔行功要方曰婦人產死多是富貴擾攘致產婦驚亂故爾屏人靜產更爛煮牝雞汁煮梗米粥與食自然無恙雞汁性滑而濡不食其肉恐難化也龔雪林醫鑑曰四五年老母雞取湯煮粥食能固胎孟詵曰腹中水癖水腫以黃雌雞一隻如常治淨和赤小豆一升同煮汁飲日二夜一服時珍曰黃者土也雌者坤象味甘歸脾氣溫益胃故所治皆脾胃之病也丹溪所謂雞屬土者當指此雞雞冠居清高之分其血乃精華

所聚雄而丹者屬陽故治中惡驚忤以熱血瀝口塗面吹鼻良本乎天者

親上故塗口眼喎斜用老者取其陽氣充足也能食百蟲故

治蜈蚣蚯蚓蜘蛛毒

雞子甘平鎮心安五臟益氣補血

清咽開音

年漢哮喘雞子略敲損浸尿缸中三四日煮食薑汁竹瀝湯送能去風痰

散熱定驚止

嗽止痢

醋煮食治赤白久痢

安胎利產

胞衣不下吞卵黃二三枚羊髮刺喉令吐即下

多食令

人滯悶

今俗每產後即啖雞卵然必煮極老極熟方易消化若生而嫩即易停滯

哺雞蛋殼主

傷寒勞復研敷下疳麻油調搽痘毒神效

卵中白皮主久

欬結氣

仙傳外科云一人偶含刀在口割舌已垂未斷一人用雞子白皮袋之摻止血藥於舌根血止以蠟化蜜

調冲和膏敷雞子曰皮上三日接住乃去皮只用蜜蠟勤敷七日全安若欲速效以金瘡藥泰治之此用雞子白皮無他

但取其柔軟而薄護舌而透藥也

雞肫皮

一名雞內金一名雞胗音皮鵒

甘平性瀉雞之

脾也能消水穀除熱止煩通小腸膀胱治瀉痢便數遺溺溺

血崩帶腸風膈消反胃小兒食瘡男用雌女用雄

雞屎白

微寒下氣消積通利大小便內經用治蟲脹合米炒治米瘰

醋和塗蚯蚓蜈蚣咬毒雄雞屎乃有白臘月收之白雞烏骨者更良素問作雞矢醴○小兒緊唇

雞矢白研末敷之有涎易去○牙齒疼痛雞矢白燒末綿裏咬患處立瘥

烏骨雞補虛勞

甘平雞屬木而骨黑者屬水得水土之精氣故能益肝腎退

熱補虛治虛勞消渴下痢噤口煮汁益胃帶下崩中肝腎血分之

病鬼擊卒死者用烏雞冠血灑口中令熱仍破此雞搗心下冷乃棄之道邊妙骨肉俱黑者良

舌黑者骨內俱黑男用雌女用雄女科有烏雞丸

雞即野雞○補氣止痢

酸甘微寒補中益氣力止洩痢治蟻瘻○以上原禽類

白鶴血 補虛祛風

鹹平益氣力補虛乏去風益肺

穆天子傳云天子至巨蒐二氏獻白鶴之血飲之益人氣

力也 骨 酥炙入滋補藥

鵝鵝油 一名淘鵝油○通資外敷

鹹溫滑塗癰腫治風痺透經絡通耳聾

時珍曰淘鵝油性走能引諸藥透入病所

拔毒故能治聾癰腫毒諸病

剥取其脂熬化掠取就以其嗉盛之則不

滲漏他物即透走也

可見其入骨透髓之功然但資外敷不入湯丸

鵝

甘溫有毒發風發瘡火熏者尤毒

鵝血愈噎膈反胃 鵝

卵甘溫補中益氣多食發瘡疾

本草從新
鴛即鴨○補陰

甘平微鹹入肺腎血分補陰除蒸止嗽利水治熱痢化虛痰

鴨有數種惟毛白而烏嘴鳳頭者為虛勞聖藥白屬西金

黑屬北水故葛可久治癆有白鳳膏

時珍曰治水利小便宜用青頭雄鴨取水木生

發之象治虛勞熱毒宜用烏骨白鴨取金水寒肅之象也

老者良

熱血解金銀丹石

碑霜諸毒及中惡溺死者塗蚯蚓絞瘡

卵甘寒鹹除心腹

膈熱多食損人

孟詵曰多食發冷氣令人氣短胃悶小兒多食腳軟陳士良曰生瘡毒者食之合惡肉突

出不可合蠶肉李子桑甚食

頭通利小便治水腫

腦取塗凍瘡良

鳧即野鴨○補氣

甘涼補中益氣

孟詵曰九月以後立春以前即中食大益病人全勝家者雖寒不動氣

平胃消

食冷水腫及熱毒風療惡瘡癰

孟詵曰身上有諸小熱瘡年久不愈者但多食之即痊

殺臟腑一切蟲

日華曰不可合胡桃木耳豆豉食

鷓鴣

音贊梯俗名油鴨○補氣

甘平補中益氣

一名刁鴨似野鴨而小蒼白文多脂冬月

取之五味炙食甚美

膏滴耳治聾

鷺鷥

補氣

鹹平益脾補氣治虛瘦

一名白鷺

時珍曰鷺水鳥也林棲水食羣飛成序潔白如

雪頸細腳青頂有長毛下數莖如絲炙食良

○以上水禽類

斑鳩

補氣

甘平益氣助陰陽明目愈噎

范汪東陽方治目有斑鳩丸總錄治目有錦鳩丸倪惟賢氏謂

斑鳩補腎故能明目竊謂鳩能益氣則能明目不獨補腎已有

性慤孝而拙於爲巢血

熱飲治蠱

鵲 瀉熱通淋

甘寒消結熱治消渴通淋去風及大小腸澀并四肢煩熱胸

膈痰結

入藥用雄

其翼左覆右者是雄又燒毛作屑納水中浮者是雄

○以上林禽

類

豬 肉補肉

水畜鹹寒療腎氣虛竭狂病久不愈其味雋永食之潤腸胃

生精液豐肌體澤皮膚其性陰寒陽事弱者勿食能生溼

痰易招風熱傷風寒及病初起人尤爲大忌

其皮有毒頭肉尤甚傷風寒忌